



ইত্তেফাক

০১

শান্তিপূর্ণ পরিবেশ বজায় রাখার আহ্বান

আগামীকাল ডাকসু নির্বাচন

(বিশ্ববিদ্যালয় রিপোর্টার)
আগামীকাল (বুধবার) ডাকসু নির্বাচন। দীর্ঘ ৭ বছর পর এই নির্বাচন অনুষ্ঠিত হইতেছে। গতকাল (সোমবার) ছিল নির্বাচনী প্রচারণার শেষ দিন। শান্তিপূর্ণভাবে বিপুল উৎসাহ উদ্দীপনার

মধ্য দিয়া গতকাল বিভিন্ন জোট ও ছাত্র সংগঠন মনোনীত প্যানেল পৃথকভাবে প্রচারণা মিছিলের আয়োজন করে। ভিসি প্রফেসর আবদুল মান্নান এবং ঢাকা বিশ্ববিদ্যালয় শিক্ষক সমিতি পৃথক বিবৃতিতে (শেষ পৃ: ৩-এর ক: দ্র:)

ডাকসু নির্বাচন

(১ম পৃ: পর)

গণতান্ত্রিক প্রক্রিয়ায় নির্বাচনী প্রচারণা চালানোর জন্য ছাত্র-ছাত্রীদেরকে অভিনন্দন জানান। বিবৃতিতে ভিসি নির্বাচন উপলক্ষে ক্যাম্পাসে শান্তিপূর্ণ পরিবেশ বজায় রাখার জন্য ছাত্র শিক্ষক অফিসার কর্মচারী সহ সংশ্লিষ্ট সকলের প্রতি আহ্বান জানান হইয়াছেন।

নির্বাচনী প্রচারণার শেষ দিনে ছাত্র সংগ্রাম পরিষদের 'সুলতান-মুশতাক' ও ছাত্র দলের 'দুদ-রিপন' পরিষদ পৃথক প্রচারণা মিছিলের আয়োজন করে। ছাত্র শিবিরের 'শামসু-আমিন' পরিষদসহ অন্যান্য পরিষদের পোস্টারও ক্যাম্পাসে মজুরে পড়ে।

ছাত্রদল

নির্বাচনী প্রচারণার শেষ দিনে গতকাল (সোমবার) ডাকসু ভবনে জাতীয়তাবাদী ছাত্রদলের 'দুদ-রিপন' পরিষদ এক সাংবাদিক সম্মেলনে তাহাদের ভোট দেওয়ার জন্য ছাত্র-ছাত্রীদের প্রতি আহ্বান জানান। ছাত্রদলের নির্বাচন কমিশনের চেয়ারম্যান আমান উল্লাহ আমান সাংবাদিক সম্মেলনে বক্তব্য পাঠ করেন। ছাত্র দল মনোনীত ভিপি ও জি,এস পদ প্রার্থী শামসুজ্জামান দুদ ও আমাদুজ্জামান রিপন সাংবাদিক সম্মেলনে বিভিন্ন প্রশ্নের উত্তর দেন। প্রশ্নের জবাবে সাংবাদিক সম্মেলনে বলা হয়, ছাত্রদল ডাকসুতে বিজয় অর্জনের পর ৭৫ফা বাস্তবায়নের উদ্যোগ নিবে। ৭৫ফায় সন্ত্রাসের বিরুদ্ধে প্রতিরোধ, সহ শিক্ষা সম্পর্কিত বিভিন্ন সমস্যা সমাধানের কথা বলা হইয়াছে।

বাংলাদেশ ছাত্রলীগ (জ-লু) এবং গণতান্ত্রিক ছাত্রলীগের 'বকর-মঈন' পরিষদ গতকাল 'দুদ-রিপন' পরিষদকে সমর্থন করিয়া নিজস্ব প্যানেল প্রত্যাহার করিয়াছে। সংগ্রামী ছাত্র জোটের সভায় এই সিদ্ধান্ত নেওয়া হয়।

ছাত্র সংগ্রাম পরিষদ

গতকাল ক্যাম্পাসে প্রচারণা মিছিল শেষে বটতলায় ছাত্র সংগ্রাম পরিষদ মনোনীত 'সুলতান-মুশতাক' পরিষদের ডাকসু ও হল সংসদের প্রার্থীদের এক পরিচিতি অনুষ্ঠানের আয়োজন করা হয়। ছাত্রনেতা তাহের উল্লাহর সভাপতিত্বে পরিচিতি অনুষ্ঠানে বক্তারা বলেন, সন্ত্রাস প্রতিরোধ, সুস্থ শিক্ষাদায়িত্বতা বিরোধী আন্দোলনকে জোরদার করার লক্ষ্যে ছাত্র সংগ্রাম পরিষদ ডাকসু নির্বাচনে অংশ নিয়াছে। ৮ই ফেব্রুয়ারী ছাত্র-ছাত্রীরা প্রমাণ করিবে তাহারা বিশ্ববিদ্যালয়ে সন্ত্রাস ও অস্বাভিজি চায় না। অনুষ্ঠানে আবদুর রহমান, আবেদরাজা

নাজমুল হক প্রধান, বক্তব্য করেন। মোস্তফা ফারুক হল সংসদ প্রার্থীদের এবং জহির উদ্দিন স্বপন ডাকসুর প্রার্থীদের পরিচয় করাইয়া দেন। জি, এস পদপ্রার্থী মুশতাক হোসেন শুভেচ্ছা বক্তব্য রাখেন। অনুষ্ঠানে মোহাম্মেদানের অধিনায়ক ইলিয়াস এবং আবাহনীর খেলোয়াড় ওয়াসিম পরিষদ মনোনীত জীড়া সম্পাদক পদপ্রার্থী শফিকুল ইসলাম মানিককে শুভেচ্ছা জানান।

ছাত্র ফেডারেশন

বাংলাদেশ ছাত্র ফেডারেশন গতকাল ডাকসু ভবনে আয়োজিত এক সাংবাদিক সম্মেলনে ফেডারেশন মনোনীত 'ফয়জুল-ফারুক' পরিষদে ভোট দেওয়ার জন্য ছাত্র-ছাত্রীদেরকে আহ্বান জানাইয়াছে। এবারের নির্বাচনে কর্তৃপক্ষের প্রায় ৪ লক্ষ টাকা খরচ হইবে বলিয়া জানা যায়। অন্যদিকে একটি প্রধান প্রতিদ্বন্দ্বী সংগঠনের প্রাথমিক হিসাব অনুযায়ী নির্বাচনে তাহাদের এককভাবে প্রায় ২ লক্ষ টাকা খরচ হইবে। আগামীকাল সকাল ৮টা হইতেবেলা ২টা পর্যন্ত ১৩টি হল ভোট গ্রহণ করা হইবে। একজন ভোটারকে ডাকসুর ২০টি এবং হলের ১২টি মোট ৩২টি ভোট প্রদান করিতে হইবে।

বহিরাগতদের ক্যাম্পাসে থাকা নিষিদ্ধ

কর্তৃপক্ষ আসন্ন ডাকসু নির্বাচন উপলক্ষে আজ (মঙ্গলবার) সকাল ৮টার পরে বিশ্ববিদ্যালয় ক্যাম্পাসে বা আবাসিক হলে কোন বহিরাগত অছাত্র বা অপরিচিত ব্যক্তিকে না থাকার নির্দেশ দিয়াছেন। আগামীকাল ভোট কেঙ্গে ছাত্র-ছাত্রীদেরকে পরিচয়পত্র সঙ্গে রাখার জন্য পুনরায় নির্দেশ দেওয়া হইয়াছে।